



KOD ETIKA BERPAKAIAN & PENAMPILAN PELAJAR

KOD ETIKA BERPAKAIAN DAN PENAMPILAN PELAJAR KOLEJ ASTIN 2013

ISI KANDUNGAN

BHGN.	PERKARA	M/S
I	LATAR BELAKANG	2
II	ETIKA BERPAKAIAN DAN PENAMPILAN	2 – 5
III	PENGUATKUASAAN	5 – 6
IV	KOD PAKAIAN MENGIKUT AKTIVITI / PROGRAM	7 – 8

BAHAGIAN I

Latar Belakang

Peraturan ini dibuat dan dikeluarkan adalah berdasarkan kehendak **Akta Universiti dan Kolej Universiti 1971 dan Peraturan-Peraturan Tata Tertib Pelajar Kolej Astin (KA) 2013**.

Ianya bertujuan untuk memberi garis panduan berkaitan tatacara berpakaian dan penampilan yang sebenar dan sesuai agar dipatuhi oleh para pelajar KA. Peraturan ini juga bertujuan untuk memartabatkan KA dalam membentuk imej personaliti unggul di kalangan pelajar selain memelihara nama baik KA. Peraturan-peraturan ini diharap dapat membina sahsiah dan peribadi intelek di dalam diri setiap pelajar di samping mewujudkan suasana kampus yang menjiwai kesopanan, keharmonian dan disiplin selaras dengan kedudukan KA sebagai sebuah institusi pengajian tinggi yang sentiasa dilihat oleh masyarakat sebagai model dalam pembinaan insan yang berkualiti untuk menyumbang kepada pembangunan, agama, bangsa dan negara.

BAHAGIAN II

Etika Berpakaian dan Penampilan

1. Peraturan Am

- 1.1 Setiap pelajar dikehendaki mempamerkan **kad matrik** pada pakaian mereka di bahagian yang mudah dilihat sepanjang berada di dalam kampus.
- 1.2 Setiap pelajar **dilarang memakai pakaian atau aksesori yang bertentangan dengan hukum Islam, adab kesopanan orang timur atau melambangkan sebarang pertubuhan atau kumpulan tertentu** yang boleh mengakibatkan ketenteraman kolej terganggu dan menimbulkan ketidakharmonian di kalangan para pelajar di dalam kampus kecuali atas sebab-sebab tertentu dan telah mendapat kebenaran daripada Pengarah Bahagian Pembangunan & Hal Ehwal Pelajar (PHEP).
- 1.3 Setiap pelajar dilarang mempamerkan sebarang unsur yang bertentangan dengan moral yang baik atau mengandungi reka bentuk, gambar, perkataan atau frasa yang tidak diinginkan dari segi nilai atau norma yang mulia dan baik.
- 1.4 Setiap pelajar dilarang sama sekali mempamerkan **tattoo** di mana-mana bahagian anggota tubuh badan.
- 1.5 Setiap pelajar adalah tertakluk kepada syarat-syarat pakaian yang ditetapkan di bawah peraturan makmal atau mana-mana peraturan di tempat-tempat atau pusat-pusat di dalam kolej yang mempunyai peraturannya sendiri.

2. Penampilan Pelajar Lelaki

- 2.1 Pelajar pada setiap masa hendaklah imej sebagai seorang pelajar kolej / universiti iaitu **kemas (tuck-in) sopan, rapi dan ceria (baju kemeja, T-berkolar, berseluar panjang, berkasut dan berstokin)** terutama ketika berada di bilik kuliah / makmal komputer / pusat sumber atau perpustakaan / pejabat urusan / kafetaria dan di luar bilik asrama. Pelajar **dilarang memakai topi** ketika di bilik kuliah, makmal komputer, pusat sumber atau perpustakaan, berurusan dengan pejabat di kolej dan majlis rasmi kolej.

- 2.2 Setiap pelajar hendaklah memastikan rambut sentiasa **kemas dan tidak diwarnakan, berambut pendek, tidak terlalu tebal, berekor, berfesyen keterlaluan, tidak** menutupi mata / telinga dan tidak mencecah kolar baju.
- 2.3 Memakai seluar panjang yang bersih, kemas, sopan, tidak berlubang / koyak / lusuh. Pemakaian **seluar jeans yang lusuh dan koyak serta selipar tidak dibenarkan sama sekali**. Latihan amali tertakluk di bawah peraturan yang ditetapkan oleh institusi atau organisasi yang ditetapkan oleh kolej.
- 2.4 Memakai **pakaian yang sesuai** semasa aktiviti sukan atau rekreasi serta di majlis-majlis rasmi.
- 2.5 Pelajar lelaki **dilarang** berpakaian / berpenampilan **menyerupai perempuan**.

3. Penampilan Pelajar Perempuan

- 3.1 Setiap pelajar hendaklah berpakaian yang sesuai sebagai seorang mahasiswi kolej / universiti iaitu **kemas, sopan rapi dan ceria (baju kurung, kebaya labuh, kebarung atau pakaian etnik masing-masing yang sesuai, kemas)** terutama ketika berada di ruang kuliah / makmal komputer / pusat sumber atau perpustakaan / pejabat urusan / kantin dan di luar bilik asrama.
- 3.2 Setiap pelajar hendaklah memakai pakaian yang **tidak ketat (mempamerkan susuk tubuh), mendedahkan tubuh badan, berfesyen keterlaluan, menutup muka, menjolok mata**, antaranya seperti berikut :
- berskirt di atas paras lutut
 - berseluar pendek / *tight-fit*
 - berbaju T tanpa kolar
 - berbaju tanpa lengan
 - berselipar
- 3.3 Setiap pelajar hendaklah **berambut kemas dan rapi, tidak diwarnakan, berekor dan berfesyen keterlaluan**.
- 3.4 Memakai **pakaian** yang sesuai semasa aktiviti sukan atau rekreasi serta di majlis-majlis rasmi.
- 3.5 Memakai **alat solek, aksesori dan pewangi** secara sederhana.
- 3.6 Memakai **kasut** yang menutupi jari kaki, lereng kaki dan tumit.
- 3.7 Pelajar perempuan **dilarang** berpakaian/ berpenampilan **menyerupai lelaki**.

BAHAGIAN III

Penguatkuasaan

1. Tempat Dikuatkuasakan

1.1 Penguatkuasaan peraturan hendaklah berlaku di tempat-tempat seperti berikut :

- Semua kawasan / bahagian kolej
- Di tempat peperiksaan / ujian dijalankan
- Di tempat aktiviti / program anjuran kolej

2. Agen Penguatkuasa

2.1 Semua staf bertanggungjawab memberi kerjasama penuh di dalam memastikan pematuhan dan penguatkuasaan peraturan-peraturan kolej terlaksana. Sebarang pelanggaran peraturan oleh pelajar hendaklah ditangani secara bijaksana dan berhemah. Jika perlu, ianya hendaklah dilaporkan kepada Bahagian Pembangunan & Hal Ehwal Pelajar (PHEP) untuk rekod dan tindakan lanjut. Tanggungjawab staf di dalam penguatkuasaan peraturan ini adalah seperti berikut :

- Staf Akademik (Bahagian Pengajian & Hal-Ehwal Pelajar)
 - diberi kuasa memberi amaran dan menghalang pelajar yang tidak mematuhi peraturan daripada memasuki kuliah / makmal dan semasa aktiviti bahagian / fakulti.
- Staf Pentadbiran
 - diberi kuasa memberi amaran dan menghalang pelajar yang tidak mematuhi peraturan daripada memasuki / berurusan atau menggunakan kemudahan-kemudahan universiti.

3. Kaedah Penguatkuasaan

3.1 Bagi kesalahan pertama :

- Beri amaran lisan dan rekod kesalahan

3.2 Bagi kesalahan kedua dan seterusnya :

- Rekod kesalahan dan lapor ke Bahagian PHEP

BAHAGIAN IV
Kod Pakaian Mengikut Aktiviti / Program

1. Kod Pakaian Pelajar Lelaki

- i. Aktiviti Kuliah / Pusat Sumber / Peperiksaan / Urusan Pejabat / Aktiviti Rasmi atau Tidak Rasmi Dalam atau Aktiviti Luaran KA**
 - Kad Matriks
 - Baju Kemeja
 - Baju T-Berkolar
 - Baju Korporat
 - *Lounge Suit*
 - Pakaian Kebangsaan
 - Seluar Slack
 - Kasut & Stokin
- ii. Kerja Bengkel / Makmal / Praktikal**
 - Kad Matriks
 - Baju Kemeja
 - Baju T Berkolar
 - Baju Seragam atau *Uniform* (jika diarahkan)
 - Seluar Slack Panjang
 - Seluar Jeans Panjang (jika dibenarkan)
 - Kasut & Stokin
- iii. Sukan / Rekreasi / Riadah / Gotong-Royong**
 - Baju T
 - Baju Seragam atau *Uniform* (jika diarahkan)
 - Baju Sukan / Jersi
 - Topi
 - Seluar *Track Bottom*
 - Kasut Sukan & Stokin

2. Kod Pakaian Pelajar Wanita

- i. Aktiviti Kuliah / Pusat Sumber / Peperiksaan / Urusan Pejabat / Aktiviti Rasmi atau Tidak Rasmi Dalam atau Aktiviti Luaran KA**
 - Kad Matriks
 - Baju Kemeja Lengan Panjang
 - Baju Kurung
 - Baju Kebaya Labuh
 - Lounge Kebarung
 - Blaus / Jubah
 - Seluar Slack Panjang
 - Skirt Labuh
 - Kasut & Stokin

ii. Kerja Bengkel / Makmal / Praktikal

- Kad Matriks
- Baju Kemeja Lengan Panjang
- Baju T Berkolar Lengan Panjang
- Baju Seragam atau *Uniform* (jika diarahkan)
- Seluar Slack Panjang
- Skirt Labuh
- Kasut & Stokin

iii. Sukan / Rekreasi / Riadah / Gotong-Royong

- Baju T Lengan Panjang
- Baju Seragam atau *Uniform* (jika diarahkan)
- Baju Sukan / Jersi
- Topi
- Seluar *Track Bottom*
- Seluar Seragam atau *Uniform*
- Kasut Sukan & Stokin

<i>Diterbitkan oleh Bahagian Pembangunan & Hal-Ehwal Pelajar (PHEP) Edisi 2013</i>
--